

BOSNA I HERCEGOVINA
BRČKO DISTRIKT BiH
OSNOVNI SUD BRČKO DISTRIKTA BiH

Broj: 96 0 Pr 175169 25 Pr
Brčko, 11.11.2025. godine

Osnovni sud Brčko distrikta BiH, sudija Fuad Zlatić u prekršajnom postupku protiv okrivljenog Lj. S. zbog prekršaja iz člana 5 stav 1 Zakona o fiskalnim sistemima Brčko distrikta BiH, nakon održanog usmenog pretresa u prisustvu predstavnika ovlaštenog organa Radić Vanje a i okrivljenog LJ.S., na osnovu člana 58. Zakona o prekršajima Brčko distrikta Bosne i Hercegovine, donio je dana 11.11.2025. godine

R J E Š E N J E

Okrivljeni:

LJ.S., rođen 09.08.1997. godine, nastanjen u B., ulica ..., JMBG: ...,

ODGOVORAN JE

ŠTO JE:

Dana 25.07.2025. godine u kontroli evidencije prometa preko fiskalnog uređaja u 13,12 sati, utvrđeno je da poreski obveznik ne vrši registraciju svakog pojedinačnog prometa preko fiskalnog uređaja, odnosno fiskalne kase shodno Zakonu o fiskalnom sistemu,

čime je počinio prekršaj iz člana 5. stav 1. Zakona o fiskalnim sistemima (Sl.glasnik Brčko distrikt BiH br.22/16, 48/18, i 40/20), kažnjivo po članu 100. stav 2. istog Zakona,

pa mu sud na osnovu člana 11., 12. i 15. Zakona o prekršajima Brčko distrikta BiH izriče,

USLOVNU OSUDU

Okrivljenom se za počinjeni prekršaj utvrđuje NOVČANA KAZNA U IZNOSU OD 500,00 KM (petstotinakonvertibilnihmaraka), koja se neće izvršiti ukoliko okrivljeni u roku od 6 (šest) mjeseci ne počine novi prekršaj.

Okrivljeni se na osnovu člana 9 Zakona o prekršajima Brčko distrikta BiH, u vezi sa članom 188 stav 1 Zakona o krivičnom postupku Brčko distrikta BiH obavezuje da plati troškove prekršajnog postupka u iznosu od 50,00 KM u roku od 30 dana od dana pravosnažnosti Rješenja, pod prijetnjom prinudnog izvršenja.

Obrazloženje

Direkcija za finansije – Poreska uprava Brčko distrikta BiH podnijela je prekršajni nalog broj: ... od 30.07.2025. godine protiv okrivljenog "LJ.S. zbog prekršaja iz člana 5. stav 1. Zakona o fiskalnim sistemima Brčko distrikta BiH (Sl.glasnik Brčko distrikt BiH br.22/16, 48/18, i 40/20),

Kako je okrivljeni na usmenom pretresu održanom dana 11.11.2025. godine prihvatio odgovornost sud je razmatrao vrstu i visinu sankcije za počinjeni prekršaj, a obrazloženje je ispušteno kao nepotrebno imajući u vidu odredbu člana 52 stav 3 Zakona o prekršajima Brčko distrikta BiH (Službeni glasnik Brčko distrikta BiH broj: 24 /07).

Sud je okrivljenom za prekršaj iz člana 5 stav 1 Zakona o fiskalnim sistemima Brčko distrikta BiH (Sl.glasnik Brčko distrikt BiH br.22/16, 48/18, i 40/20), izrekao uslovnu osudu tako što mu je utvrdio novčanu kaznu u iznosu od 500,00 (petstotina) KM, a koja se neće izvršiti ukoliko u roku od 6 (šest) mjeseci ne počinji novi prekršaj, pa sud smatra da će se ovim sankcijama postići svrha kažnjavanja. Od olakšavajućih okolnosti sud je cijenio da okrivljeni nije ranije kažnjavao.

Na osnovu člana 188 stav 1 Zakona o krivičnom postupku Brčko distrikta BiH sud je okrivljenog obavezao da na ime troškova prekršajnog postupka – paušala za rad suda uplati iznos od 50,00 KM.

PRAVNA POUKA:

Protiv ovog rješenja može se izjaviti žalba u roku od 8 dana od dana prijema rješenja, Apelacionom sudu Brčko distrikta BiH, a putem ovog suda.

Sudija
Fuad Zlatić